



Philippus it. lucē est editus 13 die Nouemb. Anno 1504. patre Vuilhelmo Landgrauio Hassie, ex ducissa Megapolensi. Is heroico spiritu præditus, breui rerum cognitionem acquisiuit, atq; patri immatura morte defuncto in ditionis gubernatione successit. Eo autem tempore Lutheri doctrina passim disseminabatur, atq; multi principes & eruditi uiri ipsam approbabāt. Itaq; Philippus re prius diligenter deliberata, ipse quoq; Ecclesiarum reformationem suscepit, atq; Euangelij doctrinā passim in sua regione annuntiarī iussit. Marpurgi quoq; celebrem academiam restaurauit, atq; uiros doctissimos liberalibus stipendijs undiq; eō cōuocauit. Vi-

debat enim prudētissimus princeps, linguarum & artium studia ad sacrarum lectionum ueritatē plurimum conducere. Interim uerò opinionum uarietatē & fanaticos spiritus detestabāt. Vnde in rustica seditione Thomam Muntzerum authorē suis copijs fortiter aggressus egregiē uicit, atq; autore capite plexo, reliquæ multitudinī apud Milthusium in finibus Saxonie pepercit. Eadē seueritate postea quoq; contra Monasterienses Anabaptistas usus. Itaq; maximis sumptibus castra ad urbem admouit, atq; eandem, uicinatorum principum opera adiutus, in ditionem recepit, huiusq; sectæ primoribus sublatis reliquis ignouit, atq; suo Episcopo restituit.